

寄遜賸稿

景鄭自署



# 寄 沔 賸 稿

潘景郑 著

齐 鲁 书 社

一九八五年·济南

**寄 沅 滕 稿**

潘景郑 著

齐鲁书社出版发行

山东新华印刷厂临沂厂印刷

787×960毫米 32开本 5印张 67千字

1985年12月第1版 1985年12月第1次印刷

印数 1—1,500

书号 10206·123 定价 0.90 元

## 目 录

|                     |    |
|---------------------|----|
| 谨题先大父画兰卷后·····      | 1  |
| 殇侄家充圻铭·····         | 2  |
| 《思适斋集外书跋》序·····     | 4  |
| 《吴憲斋先生年谱》序·····     | 6  |
| 先祖祖《小鸥波馆文钞》跋·····   | 8  |
| 《竹山堂文贍诗补》跋·····     | 10 |
| 《使滇日记》跋·····        | 11 |
| 《癸丑锁闱日记》跋·····      | 13 |
| 先祖干臣公《象传遗画集辑》跋····· | 14 |
| 《春秋左传读》跋·····       | 16 |
| 《霜厓词录》跋·····        | 18 |
| 《霜厓诗录》跋·····        | 20 |
| 跋《里堂家训》稿本·····      | 21 |
| 跋《情海珠尘》·····        | 23 |
| 《蓬庵遗墨》跋·····        | 24 |
| 《古坝考释》跋·····        | 26 |
| 《兰陔絮养图咏》跋·····      | 27 |

|                     |    |
|---------------------|----|
| 《家庆图咏》跋·····        | 29 |
| 《拙速诗存》跋·····        | 30 |
| 《丙午使滇日记》跋·····      | 32 |
| 《碧云仙馆吟草》跋·····      | 33 |
| 《潘氏一家诗》跋·····       | 34 |
| 《郑庵诗文存》跋·····       | 41 |
| 《己丑恩科乡试监临纪事》跋·····  | 43 |
| 《养闲草堂图记》跋·····      | 44 |
| 归延陵姑母传·····         | 45 |
| 《梅景画笈》序·····        | 48 |
| 《梅景画笈》跋·····        | 50 |
| 《庚戌春闱纪事诗》跋·····     | 52 |
| 《明清画苑尺牋》跋·····      | 53 |
| 《陟冈楼丛刊》序·····       | 55 |
| 《黄仲骏家书》跋·····       | 57 |
| 《王烟客诗钞》跋·····       | 58 |
| 《张公束手录光绪戊戌章奏》跋····· | 60 |
| 李芍农奉使浙江乡闱日记跋·····   | 62 |
| 题《谢玉岑遗稿》·····       | 63 |
| 《钞吴郡文编目》跋·····      | 65 |
| 《吴门七孝子象传》跋·····     | 67 |
| 《著砚楼书跋》自序·····      | 69 |

|                        |     |
|------------------------|-----|
| 上海历史文献图书馆石刻分类目录序例····· | 71  |
| 刘熙载殿试卷跋·····           | 78  |
| 《绛云楼题跋》序言·····         | 80  |
| 《鸣野山房书目》序·····         | 82  |
| 《汲古阁书跋》序言·····         | 84  |
| 跋先泽鳞羽·····             | 85  |
| 跋《敝帚存痕》·····           | 87  |
| 跋手钞先泽图咏三种·····         | 88  |
| 《图咏集录七种》跋·····         | 90  |
| 《奉思录》跋·····            | 94  |
| 佛常济摹刻《集古官印考证》残印跋·····  | 97  |
| 跋翁松禅致吴儒卿手札真迹·····      | 99  |
| 跋翁邃庵先生手书诗稿长卷·····      | 101 |
| 自跋《行笈吟》残稿·····         | 103 |
| 跋翁玉甫先生年谱稿本·····        | 104 |
| 跋翁松禅画小湖田图绢扇·····       | 106 |
| 跋《翁文端年谱》·····          | 108 |
| 跋玉溪、苏翠象砚双拓·····        | 110 |
| 跋张菊生丈遗札·····           | 112 |
| 跋《苏州五奇人传》·····         | 114 |
| 跋盍斋藏印摹本·····           | 118 |
| 跋松禅老人词意图册·····         | 119 |

|                                     |     |
|-------------------------------------|-----|
| 跋采白亭图卷 .....                        | 121 |
| 跋歙县汪氏墓图卷 .....                      | 123 |
| 跋蒋香生致叶鞠常手札 .....                    | 125 |
| 跋顾复初校刻袁斐轩《词韵》 .....                 | 127 |
| 敬题先曾祖《凤池园试艺》 .....                  | 129 |
| 跋翁宗庆重绘瓶庐填词图卷 .....                  | 131 |
| 敬跋先叔祖郑庵公万柳堂补柳图题词<br>手迹影印本赠黄怀觉 ..... | 133 |
| 跋程警輿摹吴湖帆设色瑞莲鸳鸯图为<br>怀觉作 .....       | 135 |
| 跋元杨铁厓手植松断木刻字拓本 .....                | 136 |
| 谨跋先郑庵叔祖《虎阜石刻仅存录序》<br>手稿 .....       | 137 |
| 跋刘石庵行书跋阇禅师问生公<br>讲经论墨迹 .....        | 139 |
| 跋《书目目录提要》 .....                     | 140 |
| 谨跋先曾祖星斋公殿试策 .....                   | 142 |
| 《碑帖叙录》序 .....                       | 144 |
| 吴湖帆姑丈画集跋 .....                      | 146 |
| 吴湖帆书册跋 .....                        | 148 |
| 丁叔雅遗诗钞本跋 .....                      | 150 |
| 自跋 .....                            | 152 |

## 谨题先大父画兰卷后

先大父干臣公髫龄喜绘事，尤善画蝶。幼时侍高王父文恭公侧，钟爱异于诸孙。性恬淡，不喜肉食，居常蒔花种竹，陶然自乐，顾以病肝不能力学。曾王父星斋公授以名人书画，日事临摹，又师事戴醇士、程序伯二公，得其秀逸之致。咸丰甲寅，文恭公薨，哀痛逾常。自后郁郁寡欢，每对遗墨，辄潸然涕零，肝病亦时发时止，以咸丰七年丁巳卒，年仅十七。曾王父有金鹿哀词之作，具见当时悲悼情状。承弼垂髫失怙，粗知祖芬，每一念此，辄怆然反袂。客岁整理故篋，得此片楮，并金鹿哀词，犹见承平世胄矣。念遗型于故第，珍片羽于吉光，爰付装池，以存先泽云。时戊辰正月元宵日孙承弼谨识。



## 殇侄家充圻铭

犹子家充，字新甫，吾伯兄博山之第三子。生而眉目秀发，解言笑，得曾祖父欢。甫数月，以肺风痰喘殇。先数日，吾祖母病痰厥甚剧，吾兄无暇顾幼子。及祖母病稍瘳，而侄病以危，频施针灸弗治也。所奇者，其病状痰逆气促，一若曾祖母。吾兄泫然曰：“果代吾祖母，亦何惜一子！”吁！其言中矣。殇后，兄承颜朝夕，秘不以告，惧伤重闺心也，是可悲焉！忆侄初生时，兄以乳名相属。予方读《诗》至《小雅·皇皇者华》篇，因拈“骉骉征夫”之“骉”字之。盖侄生于午，属马，骉旁从马，适相吻合。《毛传》训骉骉众多貌，且愿兄之骉骉厥后也。兄亦輶然。此情此景，恍如昨日，孰意一转瞬间，宛转啼笑，不复可得乎？侄以庚午九月二十九日生，以辛未二月十九日殇。今以辛未十一月口口日附吾先曾祖

考妣塋兆东廞焉。噫！其生也予字之，其殤也可无辞乎？因请于兄而为之铭，铭曰：“适然而存，忽焉而泯，胡天不佑，失兹兰芬。河水秀兮渙水沦，伴高曾兮安幽奄。”

## 《思适斋集外书跋》序

昔颜之推有言，校正书籍亦何容易，扬雄、刘向方称此职。吾吴校讎名家首推何义门氏，洎清中叶黄氏尧圃、顾氏涧蓂并著校讎。黄氏题识自先文勤公首先掇拾，后者续补，渐臻完备，然筚路篮缕之功，未可湮没也。涧蓂跋文，除思适斋集外所载数十篇外，迄今八十余年，后人未有续为补辑者，诚亦艺林憾事。吾友蒋君谷孙，淹雅媚古。其密韵楼藏书，早为海内所仰慕，近于黄顾校跋，搜讨尤勤。余岁过沪上，必造谒君门，赏析秘枕，文字相契，恒流连不忍返。今秋，君辑成《思适斋集外书跋》一编，授邹君百耐印行，以垂不朽。邹君复为增补十余篇，书成示余，嘱系数语。余惟涧蓂学问即自江氏艮庭传授，艮庭师承惠氏松崖，吴学宗派启迪有自。尝观其论六书引郑司农注六者并列，以斥段氏强多体用为未当，盖

别具卓见，不随波流，尤非浅拙者所能企及万一也。又尝欲取汉人经注作假借长编而未属稿。其答张子絮者，思作《毛郑诗考读》一书；与阮芸台书，尝病《尔雅》郭注浅陋，思采古义以存家法；又读许氏《说文》，欲求真解，就本书之义例，疏通而证明之；其序《战国策札记》，欲仿杜征南于《左氏春秋》之意，撰为《战国策释例》五篇。综此数书，俱难卒业。夫以涧蓂之享年及古稀，乃不暇为此。诚以奔走一生，为人校刻，升斗之谋，汲汲遑遑。其校刻之书，虽举世共珍，而切己之学，不获一二以传。其视同时诸贤，各有专业以名世者，为何如耶？世徒以校讎重涧蓂，余独悲涧蓂之以校讎而未能尽其所学也。则是区区百余跋者，为涧蓂精力所聚，又胡可不珍若璆璧哉？余既服蒋君用心之勤且慎，而又嘉邹君传古之雅怀。爰不辞懵陋，为志数语以归之。

乙亥十一月吴县潘承弼谨序。

## 《吴憲斋先生年谱》序

士生乎今世，求前贤之言行功业，论道而取法之，则年谱尚矣。前贤事迹至繁，大而国史，小而传志，容不能无所偏袒；至于考订学术，搜辑遗闻，尤非史传所可详。藉年谱以正其舛譌，补其缺漏，庶前贤一言一行，纤微不遗，知其人而论其世，斯为要矣。考古之学，昉于宋而盛于清。清季吴憲斋先生博综经术，以考古为专门之学，集诸家之大成。俾后世为斯学者，有所折衷，厥功至伟。吾姊夫顾君起潜笃志好古，研治文字、声音、训诂之学，服膺吴先生之说，以为精诣独深。尝有志搜罗先生行事，辑为年谱。于是博稽遗闻，咨询故旧，偶见先生片纸只字，靡不备录。曩岁游故都，复由清军机档案中，录存先生奏疏若干通，以资采择。又以先生著述浩繁，未尽刊布，复搜辑见闻，得已刊未刊者若干种，录其

要领，别为著述目，附年谱之后。由是而先生之经济学问，观此一编，了如指掌矣。君于是书，专精毕力，载阅寒暑，今岁幸观厥成，谬以弼为知君，属系数语。窃惟先生学问功业，君书言之綦详，何敢妄赘一辞。顾念君搜辑之勤，虽屡经挫折，而肆志益坚，其毅力有不可及者。昔恣斋先生与先从祖父文勤公过从最密。文勤公官农曹时，搜罗吉金至夥。偶得一器，必邀先生为之考订，一瓿往还，晨夕无间。文勤公尝谓先生解字，语许君所未尽语，通经典所不易通，其于金石文字之好，又在吕翟赵薛之上，其推许先生有如此者。又闻先生致文勤公简牍，多精整篆籀，惜无一存矣。今读先生所为金文跋语，为文勤公考释者居多，则君此编，于吾家故实，且有裨助焉。弼自愧譾陋，拟辑文勤公藏古录，勒成一书。岁月虚糜，因循未果，读君此编，良深赧愧已。时一九三四年八月。

## 先曾祖《小鸥波馆文钞》跋

谨案曾王父遗著，先后写定授梓者，有《小鸥波馆骈体文钞》一卷，《诗钞》十二卷，《补钞》二卷，《词钞》二卷，《使滇吟草》一卷，《鹦鹉帘栊词钞》二卷，《红蕉馆试帖》二卷，《芸馆簪毫集》一卷，《题画诗》四卷，《画识》三卷，《画寄》、《画品》、《墨缘小录》各一卷。其未刊者，有《赐锦堂经进文钞》一卷，《小鸥波馆文钞》二卷。经先王父总写成帙，藏诸篋笥，虑有未具，得赓续而采获之，故剞劂之事未举。先君志在继述，不图中岁弃养，竟未卒业。尝敕末命，以诏厚与弼。厚等寡昧，重以童龄失怙，罔述祖德，抚兹遗编，弥以腐心。繄吾曾王父闳硕之业，践再世继述之劳，旦暮绝于小子之手，岂直忝祖德堕遗绪而已。盖回薄二十年间，于此汗未尝不彻理濡袍也。比岁重理遗

业，得次第写定副本，寿诸梨枣，编次一循旧例。缘以初名，不敢妄有取舍，又以骈文岁久版毁，遂写重刊，汇为一帙。积岁幸得藏事，上以告慰先灵，下以诏示后人，至继述之业，非余小子所敢任宅。遭世多虞，迁延无状，而今而后，庶其免于戾乎？岁在强圉赤奋若余月朔日。



## 《竹山堂文贻诗补》跋

岁戊午，先君手辑先王父遗稿，得诗二卷，词一卷，寿诸梨枣。书成才两月，而先君弃养。承厚等髫髻昏懵，罔述祖德，十余年来，用是耿耿。比岁搜罗先王父遗稿，得杂文二十二首，古今体诗三十六首，编为《文贻》一卷，《诗补》一卷。谨按，先王父自归田后，惟以图籍自娱，文章而外，尤潜心经史百家之言，遇有疑滞，辄旁征博引，撰为札记，眉端行间，书写几遍，遗稿丛残，整理攸待。谨次《文贻》、《诗补》先付剞劂。首录吴平斋先生致先王父手札，以代弁言，末附章太炎先生所撰墓志铭，藉存行谊。庶先君未竟之志，得以告慰一二焉。人事沧桑，世变叵测，远溯王父弃养已卅有五年，上距先君成书之日，又十有九年，网罗遗编，祇成十一，祖泽犹存，人间何世，抱此疾痛，如负芒刺矣。丙子三月。